



## KŌJELĀ KŌN JERBAL IN KEJBĀROK MELELE

Ear Ijino im Jejet Kitien Ilo Oct 17, 2022

KŌJELĀ IN EJ ÑAN KWALOK KE JIKIN EJMOUR IN EMAROÑ  
KŌRJERBAL IM LETO LETAK MELELE IN TAKTŌ KO AM, IM BAR  
WĀWEN AM NAJ MAROÑ LALI IM BŌK MELELE KEIN.

JOUJ IM KATILJEK AM ETALE KŌJELĀ IN.

Ej juon kakien bwe kōm in aikuj in kejbārok bwe melele ko ikijen taktō ren ittino im jab kwalok kajjem ak wōn kwe, im enaj iwōj juon am kabe in pepa in melele kein. Eo enaj kwalok kōlen im wāwen an jikin ejmour in kakwon im katinnoik melele in taktō ko, ri jermal ro im jikin ejmour ko jet rej ekkejel tok ibām im lale ejmour, kōmij jermal iben doon im lale ri nañinmej ak rej lor kōlen am kejbārok pepa in taktō ko, ebar koba takto ro rej lale ri nañinmej ro ilo obij ko am. Juon kabe in kōjellā in ekāāl tata, enaj etoto aoleb ien ilo jikin rejijtōr ko. Kwomaroñ bareinwōt talbon (call) im kajitōk am kabe ippen jikin ejmour eo.

*Ñe ewōr am kajitok ak kwoj kōnan bōk elaplok melele, jouj im talbon (call) e jikin ejmour eo.*

### **MELELE IN TAKTŌ TA KO RAURŌK KŌMIJ KEJBŌROKI**

Kōmij bōk eddo im tiljek ilo am kejbārok aoleb melele in ejmour kein am kwar litok ilo ien in kōmij lewaj jibañ in ejmour im taktōiki iook. Jet waanjoñak in am kejbārok melele in taktō ko rekoba ilo am jab kwalok ke kwoj ri nañinmej im bōk jibañ in ejmour jen jikin ejmour in, bareinwōt jab kwalok ta nañinmej eo am, melele ko ikijen loñim, melele ikijen nañinmej ko an baamle, melele ko kōn jāān in jibañ

ikijen ejmour ak injuren ko, aoleb men kein koba men ko jet rej kwalok kajjem einwõt etam, atrej ne am, jojöl jekuriti ne am, im talbon ne am.

### **AIKUJ KO ÑAN JEJE KAMĀLIM**

Ekkar bwe kōmin bōk mālim ilo jeje jen kwe mokta jen aam kōjberbal ak kwalok melele in taktō ko am iben jikin ejmour ak ro jet tellokier. Enaj wōr jet ien, elap an aurōk bwe kōmin bōk mālim ilo jeje mokta jen aam kōjberbal ak leto letak melele in taktō ko, ien kein rej einwõt in:

**Karelel.** Ejjelok aam maroñ in aje ak kwalok jabrewõt melele in taktō ko am ñan aer kōjberbali ilo karelel ko, elaptata ñe kōm naj bōk jāñ in kōllā ak ejjab walok jen wōnān jberbal ko an jikin ejmour in.

**Wia Kōn Melele In Ejmour.** Ejjelok aam maroñ in wia kake melele in taktō ko am ñan ro ilikin jikin ejmour in. Ijoke, mo in wia kake melele in taktō ejjab jelet im ejjelok bwōd ñe kōmij kwaloke ñan emman eo ñan ejmour eo an aoleb, ñan ekatak kake, im ñe enaj wōr kōllā ñan jikin ejmour in, ej ñan kōllā wõt wōnān am kōbooj im leto letak melele ko, ñan kōllā wōnān taktō, ñan aam wia kake, lelok ak ekoba lok iben juon bar mōttam bejne (business) im ro iumin, ñan aer kōmmani jberbal ko an ejmour im bar jberbal ko jet ilo etan jikin ejmour in ekkar ñan mālim ko jen kien. Ñe emōj am kar letok juon am pepa in kōmālim, kwomaroñ kabōjrak jabrewõt ien, ijellokin wõt ñe emōj aam kar jino kōjberbal. Wāwen aam kabōjrak pepa in kōmālim in am, jouj im jeje ñan Compliance Officer ilo jikin ejmour in. Kwomaroñ bar jinoe kanne juon pepa in kōmālim ñan am kōmakit pepa (record) ko am ñan bar juon armej.

### **WĀWEN AAM NAJ KŌJERBAL IM KWALOK MELELE IN EJMOUR KO AM ILO AN EJJELOK PEPA IN MĀLIM JEN KWE**

Enaj wōr jet ien kōm naj maroñ kōjberbal im kwalok nan ro jet melele in ejmour ko am ilo an ejjelok pepa in mālim jen kwe, erkein ej wāwen ko:

#### **1. Taktō, WōnānTaktō, Jberbal Ko Ñan Ejmour.**

**Taktō.** Kōmij maroñ kwalok melele in ejmour ko am ñan taktō im nōj (nurse) ro ilo jikin ejmour eo ej lale yuk bwe ren maroñ bōk melele im etale nañinmej eo am im taktōiki iook. Juon taktō ilo jikin ejmour eo aam, emaroñ lelok melele in ejmour ko am ñan bar juon taktō ñan an melele kake im etale nañinmej eo am ak kōmadmade iook. Taktō eo am ebar maroñ lelok melele in ejmour ko am ñan bar juon taktō eo im ej kōtlōk bwe en wōnmanlok wōt im taktōiki iook.

**Kōllā Wōnān Taktō.** Kōmij maroñ kwalok melele in ejmour ko am ñan ro jet ñan aam bōk kōllā ikijen aam kar lale im taktōiki iook. Juon waanjoñak, ej ilo am maroñ kwalok melele in taktō ko am ñan injuren kombani ko ñan aam bōk kōllā ñan injuren kombani eo am ñan aam etale ñe ekkar bwe ren kōllā wōnān am taktō.

**Jerbal Ko Ikijen Ejmour.** Kōmij maroñ kwalok melele in ejmour ko am iben ro jet ñan aam kōmmani jermal ko aam. Juon waanjoñak, ej ilo am watwat ak lale joñan emman im tiljek in an ri jermal ro aam kōmmani jermal ko aer, ñan bar katakin ri jermal ro bwe en wāppen lok ad lale im kejbārok yuk.

**2. Kakememej Ikijen Apoinmen, Oktak in Wāwen Taktō, Jerbal Ko Ikijen Jāān in Jibañ.** Ilo ien eo kōmij lale im taktōiki, kōmij maroñ kōjermal melele in ejmour ko am ñan aam maroñ tōbar iook kōn un kein, kakememej iook kin apoinmen ko am, kōkkāāl uno ko am, kōjjelāiki iook ñe ej wōr oktak ikijen am taktō im bareinwot kin jāān in jibañ nan taktō ne ej wōr am itok limo ie.

**3. Peejnef Ko Mōttam.** Kōmij maroñ kwalok melele in taktō ko am ñan koontōreak ro, ajen ak ri jermal ro im peejnef ko mōttam ñan aer kōjermal melele kein bwe ren maroñ jibañ kōm bōki kōlla ko im kōmmani jermal ko aam. Juon waanjoñok, kōmij maroñ kwalok melele in taktō ko am nan kombani ko rej bok eddo in kōlla nan aer jibañ kōm bok kōlla jen injuren kombani eo am, kōmij bar maroñ kwalok nan kombani ko an ri bonbon im obij ko an kien bwe ren maroñ letok naan in kabilok. Ñe kōm naj kwalok melele in taktō ko am nan peejnef ko mōttam, kōm naj aikuji juon pepa in kammol ke renaj kejbārok im jab kwalok melele kein am. Im ñe renaj kwalok ñan peejnef ko mōttaer, renaj aikuji bar bōk juon pepa in kammol ke peejnef kan mōttaer renaj bar kejbārok im jab kwalok melele kein am.

**4. Baamle Im Ro Jeram Emōj Jitōñ Er Ñan Kejbārok Iook.** Ñe ejjelok am daprep ak jumae, kōmij maroñ kwalok melele in taktō ko am ñan ro ilo baamle eo am, ro nukōm, im ro jeram im rej bōk eddo in kejbārok im kōlla wōnān kejbārok iook ekoba ien eo kwonaj jako.

**5. Pepa IN Wā.** Kōmij maroñ kwalok pepa in wā ko an ajiri ñan jikuul ko, pepa ko an ajiri eo ej ri jikuul im bar ajiri eo ej bojak in jino jikuul, ekkar ñan kakien ko an Jitait (State) im bar kien ko jet, ñe jinen/jemen, eo ej kejbārok ajiri eo, eo ej bok jikin jinen/jemen ajiri eo, ak ajiri eo ejjelok an jinen/jemen maroñ ion, ej letok aam maroñ im kōmij jab aikuj pepe in kōmālim.

**6. Ien Jirimkij Ak Ien Aikuj. Ien Jirimkij Ak Karōk Ko An Kien.** Kōmij maroñ kōjberbal ak kwalok melele in taktō ko am ñe kwoj aikuj taktō ilo jirimkij ak idriñ im ñe ej ekkar ñan kien bwe kōmin taktōiki iook. Kōmij maroñ kōjberbal im kwalok melele in taktō ko am ñe ekkar ñan kakien ko, im kōm naj bar einwōt kōjjeļāiki iook kōn wāwen kein ñe ej ekkar ñan kakien ko.

**Jerbal Ko An Jikin Ejmour (Public Health).** Kōmij maroñ kwalok melele in taktō ko am nan ro tellokier einwōt jikin jermal ko an public health (im ra in kien ko rej jermal im karejar ibbeir) ñan aer kōmmani jermal ko an jikin ejmour eo iumin kien, einwōt kejbārok jukjuk in bed eo jen kij im nañinmej ko rekauwōtata. Kōmij bar maroñ kwalok melele in taktō ñan armej eo emaroñ kar mwōj an bo im bōk kij in nañinmej, ak eo ebbed ilo kauwōtata ñan an bo im leto letak kij in nañinmej ko rekabobo, ñe enaj itok mālim jen kien. Kōmij maroñ kwalok pepe in wā ko an ajiri ñan jikin jikuul, ñe ekkar ñan kien ko an Jitait (State) ak kien ko jet, ñe kōm naj bōk mālim jen jinen/jemen, eo ej bōk jikin jinen/jemen, ri kejbārok eo, ajiri eo ejjelok jinen/jemen maroñ ion, ak juon ditto. Im eliktata kōmij maroñ kōtlok jet melele ñan jikin jermal eo am ñe jikin jermal eo am ej kajitōk bwe kōmin etale ejmour in anbwinōm, im kōm ar loe ke ewōr am jorrān jen jikin jermal eo am ak ewōr am nañinmej eo jikin jermal eo am eaikuj jelā kake ñan kōmmāne ijo kwonaer ekkar ñan kien ko ñan lale ri jermal.

**Ro Rej Jorrān Jen Aer Kakkure, Kōjole Ak Ire Ilo Jikin Jokwe.** Kōmij maroñ kwalok melele in taktō ko am nan ro tellokier ilo public health bwe en wōr aer repot (report) in kakkure yuk, kōjole yuk, im ire ilo jikin jokwe ko.

**Jerbal Ko Nan Etale Jikin Ejmour.** Kōmij maroñ kwalok melele in taktō ko am ñan ra in kien ko tellokier ñan aer maroñ lale jejjetin bwōnbwōn ko, etale im jāāke (Inspect) jikin ejmour in aam. Ra kein an kien rej etale makōtkōt im jermal kein an jikin ejmour, jāān in jibañ ko jen kien einwōt Medicare im Medicaid, im rej etale ejimwe ke būrookraam in ruul ko an kien, im lale kien in maroñ ko an kajjojo armej.

**Keej (Lawsuit) Ak Aitwerōk.** Kōmij maroñ kwalok melele in taktō ko am ñe ej itok/juon pepa ak kajitōk jen koot ak jikin ekajet ko ñan aer jerbale keej (lawsuit) ak aitwerōk ko. Kōmij bar maroñ kwalok melele in taktō ko am ñe ej itok leta jen koot, leta in ekatak kin melele, im kajitōk jen ro jelet er ilo aer lokjak in aitwerōk, ijoke ñe kajitōk kein rej itok wōt jen jikin ekajet ak ro tellokier im ewōr aer maroñ in bōki.

**Law Enforcement (Policeman Ro).** Ewōr jet ien, kōmij maroñ kwalok melele in taktō ko am ñan būlijmāān ro kōn jet un ko, einwōt bokake nan in jiroñ ko jen jikin ekajet eo, ñan aer jibañ kwalok kajjen ri-nana me rej ko im kōtōlek im bareinwot bukote armej rot en ej jako. Im ñe kōmij lōmnake bwe mej eo am ej walok jen bwōd/jorrān, ej aikuj in wōr ripot in jorrān/bwōd ñe ear bōk jikin ilo jikin ejmour in aam ak ilikin ilo ien jirimkij/idriñ

**Bōbrae Jorrān Ko Rellap Renaj Walok im Kakkure Ejmour im Aenōman im Jokane.** Kōmij maroñ kwalok melele in taktō ko am ñan ro jet ñe rej aikuji ñan bōbrae jorrān ko remaroñ walok im kakkure ejmour ak aenōman im jokane ñan kwe, bar juon ak jukjuk in bed eo. Ilo ien rōt in, kōm naj kwalok melele in taktō ko am ñan ro wōt rej maroñ in bōbrae jorrān kein. Kōmij bar maroñ kwalok melele in taktō ko am ñan būlijmāān ñe kwoj kwalok ke kwar ire im emaroñ wōr jorrān ñan bar juon, (ljellokin wōt ñe kwoj ba ilo ien im ñan koonjelar eo am), im ñe kōmij kile ke kwar ko jen imōn kalbuuj ak jikin jokwe an ri nañinmej ro ewōr aer utame ak jorrān ilo lōmank/kōmālij.

**Jerbal In Kejbārok Ko an Najinōl Jekuriti (National Security) Im Jikin Jibaii Ko (Intelligence Activities).** Kōmij maroñ kwalok melele in taktō ko am ñan betrōl obijja (federal officer) ro an kien eo elap an Amerika ñan aer kōmmani jermal in kejbārok ko aer ñan kōj wōj aolep ekoba President eo im aolep ri utiej ro.

**Ri-tarinae Im Kar ri-tarinae.** Ñe kwoj juon eo ej bed ilo ra ko kajjojo an ri-tarinae, kōmij maroñ kwalok melele in taktō ko am nan ro ekkar im jibañ ra, in tarinae ko ñan aer kadedelok jermal ko aer. Kōmij maroñ kwalok melele in taktō ko an ri-tarinae ro an lal ko jet ñan ro tellokier ilo lal ko aer.

**Ri-kalbuuj im Mon Kalbuuj Ko.** Ne kwoj juon ri-kalbuuj ak kwoj bed iumin kejbārok eo an obijja ro, kōmij maroñ kwalok melele in taktō ko am nan obijja ro an imōn kalbuuj ak obijja ro an imōn būlijmāān nan jibañ kōmmani jermal ko aer einwōt maroñ lewaj jibañ in ejmour, kejbārok aenōman, kōmman bwe en kwon, nan am jokane ilo jikin kalbuuj eo am. Ekoba kwalok melele ñan an jibañ kejbārok ejmour im aenōman eo an ri-kalbuuj ro jet, im ro rej lale er im bōkto bōktak er.

**Kōlla An Ri-jermal Ro Rej Jorrān Ilo Jikin Jermal.** Kōmij maroñ kwalok melele in taktō ko am nan būrookraam ko ñan bōk jāān in jibañ ñe ej walok jorrān jen jikin jermal.

**Eo Ej Etale Im Kaköllen Ak Etale Ri Mej Ro, Eo Ej Bök Eddo In Ilomej Im Kallöp.** Ilo ien eo kwoj jako ilo mej, kōmij maroñ kwalok melele in taktō ko am nan ro rej etale im kaköllen ri-mej. Im bar einwöt eo ej bok eddo in ilomej im kallöp nan aer kōmmene ijoko kwonaer.

**Ajje Lok Möttan Ko Ilo Enbwin.** Ilo ien eo kwoj mej ak ebak am jako, kōmij maroñ kwalok melele in taktō ko am ñan doulul ak kumi ko rej kabbök im kejbārok möttan ko ilo enbwin einwöt iju in māj im möttan ko jet ñan aer etale in lale ñe ekkar ñan bök juon möttan enbwin jen juon armej im lelok ñan bar juon armej ekkar ñan kakien ko.

**7. Likun Likjab Nan Kile Im Jabikbik Nan Kile** Kōmij maroñ kōjerbal im kwalok melele in taktō ko am ne emōj aam kōmakit jet ian melele ko im kōmman bwe melele in ejmour ko am ren “likun likjab” nan kwalok im kammol won kwe. Kōm maroñ bar kōjerbal im kwalok melele in taktō ko am “rejabikbik” im armej eo ej bōki enaj aikuj in sign juon pepa in kammol ke enaj kejbārok melele kein ekkar nan kakien ko an betröl (federal) im jitait (state). Ilo melele in ejmour kein rejjab likiio, enaj ejjelok melele in kwalok (etam, atrej, jojöl jekuriti nōmba, talbon nōmba, fax nōmba, email atrej, website atrej im laijen nōmba).

**8. Röllök In Melele.** Ilo aam bök buñton ko im tiljek ilo aam kejbārok melele in taktō ko am, jet ien enaj wör röllök ko rej walok jen wāwen ko ejjelok aam maroñ in kabōjrak ak böbrae. Juon waanjoñak, ej ñe ilobwiljin aam lewaj jibañ kōn ejmour, jet bar ri-nañinmej ilo jikin taktō eo ak jikin kōttar ko rej lo ak roñ jet melele ko. Ak jet ien ilo talbon apoinmen, kōmij kajeoñ tiljek ak kwomaroñ kālet in kennan ilo jikin eo ejjab make lok ian ak bar kālet room eo ewōr armej ie.

**9. Kabbok Jāñ/Kōbajet.** Kōm maroñ kōjerbal ak kwalok melele ko ikijen jikin jokwe eo am ekoba etam, atrej, wāwen ko jet ñan tōbar iook, jete am iiō, kōrā/emmaan, iiō in lotak, melele ikijen ran ko kwar taktō, melele ko ikijen department ko rar taktōiki iook, ro rar lale iook, ta alikkar ko rar walok, im injuren kombani eo ñan aam maroñ kabbok jāñ/kōbajet. Ilo aolep ien kobajet, kōm naj

jilkinwaj juon kõjellã im lewaj am kãlet in kabõjrak kõjellã kein. Kwomaroñ kãlet in bar jino an iwõj am kõjellã.

**10. Kõmman Oktak Ñan Kõjellã In.** Kõmij dãbiji maroñ eo aam nan kõmman oktak jabrewõt ien im ilo ilju im jeklaj. Kõm naj lewaj am kõjellã aolep ien enaj wõr oktak.

### **Maroñ Ko Am Ñan Tõbar Im Bõk Eddo in Melele In Ejmour**

*Maroñ ko am nan tõbar im bõk eddo in melele in ejmour ko am:*

**1. Maroñ in etale im kõmman kabe in rekoot ko am.** Ewõr am jimwe im mãlim ñan am etale im kõmman kabe in aoleb melele in ejmour im taktõ ko am ñan am kõmman am kãlet ñan kwe im wãwen am taktõ toan wõt aam lale im kejbãrok melele kein ilo rekoot ko aam ekoba pepa in taktõ, kõmman ñii, kõlla. Ñan am etale im kõmman kabe in melele ko am, jouj im je juon am leta in kajitõk iben jikin ejmour eo. Ñe kwoj kajitõk bwe kõmin kõmman kabe in pepa ko am, kõm maroñ kajitõk bwe kwon kõllã wõnãñ kõmman kabe, mail, im men ko jabrewõt bwe en tõbrak aikuj in am. Ñe kwoj kajitõk we en iwõj ilo kamputõr ak wãwen ko jet, enaj iwõj ñe ekkar im emman wãwen im bidodo aam kwalok tok im naj jilkinwaj. Kõm naj kajeoñ jilkinwaj juon kabe eo erreu im alikkar riiti.

**2. Maroñ In Kõmman Oktak, Kajimwe, Kakobaba Ilo Rekoot.** Ñe ewõr am tõmak ke melele in taktõ ko am ilo rekoot ko aam, ewõr am maroñ in kõmman kajimwe/oktak/kakobaba, meñe eindein, melele kein rej aikuj itok ilo jeje im naj bed wõt ilo rekoot ko aam. Kajitõk ko am rej aikuj kwalok unin am kõmman oktak. Ñe kõmij jab errã iben kajitõk in am, kõm naj jeje waj juon uak im kõmeleleiki un eo. Ewõr jet am maroñ in bõk melele in kajitõk in kõmman oktak eo am ilo rekoot ko aam.



**3. Maroñ In Lale Joñan Leto Letak Melele.** Ewör am maroñ in kajitök am etale “accounting of disclosures,” ak list in melele ko ikijen aam kwalok melele in ejmour ko am ñan ro jet. Ñan am bök juon pepa in kajitök list eo, jouj im jeje ñan Compliance Officer eo. Ewör am maroñ in bök juon ak aolep 12 allöñ ejjelok wönän. Ijoke, ñe kwoj kōnan elöñ lok ilowan 12 allöñ ko, kōm maroñ jaaj ak bök wönän.

**4. Maroñ In Bök Kōjellā Ñe Ej Wör Likjab in Kejbārok.** Ewör am maroñ in bök kōjellā ilowan 60 ran ñe ej wör likjab ak röllok ikijen kejbārok melele in taktō ko am, ñe emōj loe im ewalok ke ewör röllok. Kōjellā in enaj kōmeleleiki kōn ta eo ear walok ilo ran eo menin ear walok, kain melele ko ear jelet, buñton ko kōmij kōmmani ñan kejbārok iook jen jorrän, im juon kōmelele kin aam kar etale röllok in im wāwen ko renaj bök jikier nan böbrae bwe en jab bar walok tokelik, im ijo kwonaj bök am uak ñan aolep kajitök ko am.

**5. Maroñ In Kajitök Ñan Kabben.** Ewör am maroñ in kajitök bwe kōmin kōmman bwe en ben lok aam kōjberbal im kwalok melele in taktō ko am ñan taktōiki nañinmej ko am, bök köllā ñan taktōiki yuk, kōmmani jberbal ko aam, lelok melele ñan baamle im ro jeram im rej bök eddo in kejbārok iook. Ebar wör am maroñ in kajitök bwe melele in taktō ko am ren jab walok ñan plan in ejmour ñan bök jään in jibañ ñe emōj am köllā aolepen muri eo am, im ejjelok kakien in. Kajitök in mo in enaj jberbal ñan juon wöt ien. Kwonaj aikuj kajitök kōmman mo ñan kajjojo ien kiö im tokelik. Nan kajitok kōmman mo, jouj im jeje nan Compliance Officer eo. Kōmij jab aikuj in erra iben kajitok in kōmman mo eo am, im ilo jet ien ejjab mālim iumin kakien ko. Ijowōtke, ñe kōm naj errā, kōm naj kejbārok bejnejo eo im kōtlök wöt melele ko ilo wöt ien idriñ/imörjenji ñan maroñ taktōiki/ jibañ yuk, kajimwe im kejbārok wöt kien. Ñe emōj aam errā iben juon pepe in kōmo, ewör am mālim in kabōjrake jabrewöt ien. Enaj wör jet ien, kōm naj maroñ kabōjrak mo eo, toan wöt am kōjjelāiki yuk.

**6. Maroñ In Kajitök Bwe En Ittino Aam Tõbar Iook** Ewör am maroñ in kajitök bwe kõmin kajeoñ tõbar iook kin melele in taktõ im/ak kõmman ñiiõm ilo juon wāwen eo ettino lok, einwõt talbon e iook ilo jikin jermal im jab ilo mweo ak jikin jokwe eo am, im ilo am kõjjelāiki iook ke ri-jermal eo an jikin rejijtör ej jibañ iook. Kõm jamin kajitök ta unin kajitök in am, ak kõm naj kajeoñ kõtabrak aoleb kajitök.

**7. Maroñ In Jitõñ Juon Eo Enaj Makököt Ilo Etam.** Ewör am maroñ in jitõñ juon eo enaj pinej-jenkwan im makököt ilo etam im bök eddo im kejbārok melele in taktõ. Jinen/jemen im ri-kejbārok eo, rekõnan bwe er eo ewör aer maroñ in bök eddo im kejbārok melele in taktõ ko an ajiri jidik ro, ijellokin wõt ñe ajiri ro rej maroñ make bök eddo ekkar ñan kien.

**8. Maroñ In Bök Kabe In Kõjellā.** Ñe ej iwōj kõjellā ilo kamputör ak wāwen ko jet, ewör am maroñ in kajitök kabe in pepa eo. Kõm maroñ ukõt wāwen jermal ko ñan kejbārok men in ittino ko jen ien ñan ien. Ñe kõm naj ukõt kõjellā in kõm naj likiti ilo office eo in rejijtör eo ak ilo web site eo aam.

**9. Maroñ In Kõmman Abõnõnõ.** Ñe ej wör am tõmak ke ewör röllok ilo kejbārok melele in taktõ ko am raurok im ittino, ewör am maroñ in kõmman abõnõnõ. Talbon/call Compliance Officer eo Denise Pronesti ilo 808-622-1618, ak Secretary of the Department of Health and Human Services ilo hhs.gov. Jikin taktõ in ejamin kabõjrak jibañ ñan kwe ilo ien in kwoj kõmman am abnõnõ.

**10. Ien Bwe En Laplok Im Lukkun Aurök Kejbārok Kõjermal Im Kwalok Melele.** Ewör jet melele ko, einwõt, melele ko ikijen HIV/aids, melele ko ikijen lale drenin karök im uno ko rekajoor, melele ko ikijen nañinmej in kõmālij, melele ko ikijen bõdañ, rej bed ilo kejbārok ko an Jitait (Sate) im Betröl (Federal) im ewör kõlen ak buñton nee ko ñan kejbāroki. Kin menin ewör jet möttan (part) ilo Notice of Privacy Practices (Kõjellā Kin Jermal In Kejbārok Melele) ejjab jelet melele röt kein. Ñe ewör am kajitök ak abõnõnõ ikijen wāwen an kõjermal ak kwalok melele kein, jouj im kennan iben jikin ejmour eo am.

## Wahiawa Health

### KILE IM LÓKE IM UAK

*Ilo aō jain ijin ilal, Ña ij jelā im kammol ke emōj an itok ñan ña juon kabe in **Notice of Privacy Practices** (Kōjellā Kin Jebal In Kejbārok Melele) im emōj aō bōk kapilok ikijen wāwen aer kōjermal im kwalok melele in taktō ak ejmour eo ao, einwōt an walok melele jen jikin ejmour eo ej bed etan ilo jinoin kōjellā in, im wāwen aō naj maroñ bōk ak tōbar im kōjermal melele kein. Ña ij bar jelā im kammol ke imaroñ kajitōk kabe in kōjellā ko rejenolok, jen Health Care Provider (taktō ak jikin taktō eo ao) im rej kōmeleleik wāwen kejbārok melele ko ikijen HIV/aids, wāwen lale ak taktōiki dren karōk im uno ko rekajoor, nañinmej in kōmālij, bōdañ. Elikata, ilo aō jain ijin ilal, Ña ij kōtlok mālim in kōjermal im kwalok melele in taktō ko aō ñan lale im taktōiki iiō, im kōmman karōk bwe in maroñ taktō im kōmman ñii, ñan bukōt im bōk jāān in jibañ ñan kōlla muri in taktō ko ao im nan jermal ko an jikin ejmour in ao, ri-jermal ro im kombani ko mōttaer.*

---

Jain Ri-Nañinmej ak Eo Ej Bōk Jikin